

Beo: ionadaithe údaráis Andóra, Lichtinstéin agus Mhonacó le teacht os comhair na bhfeisirí

Tiocfaidh ionadaithe ó chuideachtaí ilnáisiúnta - Apple, Google, Ikea agus McDonalds san áireamh - os comhair an choiste speisialta um rialuithe cánach an 14-15 Márta. Beidh ionadaithe údaráis Andóra, Gheansaí, Gheirsí, Lichtinstéin agus Mhonacó i láthair chomh maith. Beidh deis ag feisirí an choiste iad a cheistiú faoi na forbairtí is déanaí a mhéid a bhaineann le cáin chorparáideach.

Ba ar mhaithe le trédhearcacht an chóras cánach corparáide a fheabhsú a bunaíodh an coiste speisialta um rialuithe cánach anuraidh. Tar éis thart ar naoi mí d'obair chrua bhain an coiste an líne chríche amach i Samhain 2015 nuair a chaith feisirí vóta ar son a chuid moltaí. Bunaíodh coiste nua um rialuithe cánach roimh Nollag agus leanfaidh sé le hobair an tseanchoiste.

[Tháinig](#) ionadaithe údaráis Oileáin Mhuir nloch os comhair an choiste an 14 Márta d'fhonn a nósanna imeachta cánach a mhíniú agus a gcuid tuairimí a chur in iúl i ndáil le [plean gníomhaíochta an OECD](#) (an Eagraíocht um Chomhar agus Fhorbairt Eacnamaíochta) um chreimeadh an bhoinn agus aistriú brabúis, chomh maith le [pacáiste an Choimisiúin Eorpaigh](#) chun dul i ngleic le seachaint cánach.

Tiocfaidh ionadaithe údaráis Andóra, Lichtinstéin agus Mhonacó os comhair an choiste chéanna [an 15 Márta](#) agus cuirfear tús leis an gcruinniú ag 09.00, Am Lár na hEorpa. Níor ghlac údaráis Oileáin Cayman agus Oileán Mhanann le tairiscint an choiste a dtuairimí a chur in iúl.

Tugadh cuireadh do chuideachtaí ilnáisiúnta teacht os comhair an choiste d'fhonn a seasamh maidir le rialuithe cánach a nochtadh freisin. [Dhiúltaigh](#) Fiat, Chrysler agus Starbucks don chuireadh, ach beidh deis ag feisirí Eorpacha ionadaithe Apple, Google, Ikea agus McDonalds a cheistiú [ó 15.00 an 15 Márta](#).

Fiosrúcháin an Choimisiúin

An íocann cuideachtaí ilnáisiúnta a ndóthain cánach? Níl an Coimisiún Eorpach cinnte go n-íocann, agus mar sin rinneadh fiosrúcháin a chur ar bun chun socruithe cánach i roinnt ballstát a fhiosrú. D'éiligh an Coimisiún ar [údaráis na Beilge](#) i mí Eanáir na bliana seo go ndéanfaí thart ar €700 milliún i gcánacha neamhíochta a aisghabháil ó 35 cuideachtaí ilnáisiúnta. Bhain na cuideachtaí leas as an socrú cánach "sa Bheilg amháin" agus tá sé ráite ag an gCoimisiún gur stáitchabhair mhídhleathach a bhí ann.

Rinne an Coimisiún socruithe cánach i Lucsamburg agus san Ísiltír a fhiosrú chomh maith agus [fógraíodh](#) i mí Dheireadh Fómhair go raibh buntáistí cánacha tugtha ar bhonn roghnaitheach ag an dá thír do na comhlachtaí Fiat agus Starbucks faoi seach. Tá socrú na hÉireann leis an gcomhlacht Mheiriceánach Apple [á fhiosrú](#) ag an gCoimisiún i láthair na huaire agus tá [socrú McDonalds](#) le húdaráis Lucsamburg á iniúchadh freisin.

Tá go leor cainte ar chúrsaí cánachais sna ballstáit freisin. D'fhógair Google agus rialtas na Ríochta Aontaithe i mí Eanáir go raibh siad tar éis teacht ar chomhréiteach; ní mór don chomhlacht beagnach €170 milliún i gcánacha a íoc go cúlghabhálach.

[Cliceáil anseo chun tuilleadh a fhoghlaim faoi obair na gcoistí um rialuithe cánach.](#)

Beo

[Cruinniú le húdaráis Andóra, Lichtinstéin agus Mhonacó ó 09.00 CET an 15 Márta](#)
[Cruinniú le hionadaithe Apple, Google, Ikea agus McDonalds ó 15.00 an 15 Márta.](#)

Tuilleadh eolais

[An coiste speisialta nua](#)
[Rialuithe cánach](#)



Trédhearcacht an chóras cánach corparáide á plé sa Pharlaimint an tseachtain seo

CÁNACHAS SAN AE

RÁTA CBL (1 Eanáir 2015)

Is é atá sa chláir bhreisluacha ná cáin tomhaltais a ghearrtar ar fhorhóir na n-eisirí agus na searbáis a dhíoltar.

- 17% **Lucsamburg**
- 18% **Málta**
- 19% **An Ghearmáin**
An Chipir
- 20% **An Bheilg**
An Eastóin
An Fhrainc
An Ostair
An tSlóvaic
An Ríocht Aontaithe
- 21% **An Bheilg**
Poblacht na Seice
An Spáinn
An Laitvia
An Liotuáin
An Isiltír
- 22% **An Iodáil**
An tSlóivéin
- 23% **An Ghréig**
Eire
An Pholainn
An Phortaingéil
- 24% **An Rómáin**
An Fhionlainn
- 25% **An Danmhairg**
An Chróit
An tSualainn
- 27% **An Ungáir**

CÁNACHA DÍREACHA AGUS INDÍREACHA (2012)

Cánacha díreacha (ioncam, maoin nó calpíteal); gearrtaí iad ar dhaoine aonair nó ar ghnólaichtaí agus bailiúan an rialtas go díreach iad.


Cánacha indíreacha (cáin bhreisluacha, díleachanna máil); tá siad sin dírithe ar thomhaltas agus le trí idirghabhálait ar nós siopaí a bhailiúan an rialtas iad.

% den olltáirgeacht intíre



IOMLÁN AN IONCAIM CÁNACH DE RÉIR BHALLSTÁIT AN AE (2012)

Is ionann iomlán an ioncaim cánach agus an t-ioncam a fhaigheann rialtais trí cháin a ghearradh ar dhaoine agus ar ghnólaichta. Ainítear ann cánacha ar tháirgeadh agus ar alimhaintíne, an cháin reatha ar ioncam agus ar mhaoin, cáin ghnóchan calpitúil agus ranníocloictaí sóisialta.



OLLTÁIRGEACHT INTÍRE AR BHONN PER CAPITA (CCC) (2014)

Is ionann an caighdeán cumhachta ceannaigh (CCC) agus aonad airgeadra coibhinn saorga a chuireann deireadh le dlíochtaí i leibhéal na bpraghsanna idir tíortha, rud a fhágann gur féidir comparáid súsma a dhéanamh idir olltáirgeachtaí intíre. Déantar olltáirgeacht intíre per capita (CCC) a léiriú i gcoibhneas le meán AE28 arna shocrú ag leibhéal is comhionann le 100.

AE28 = 100





AN TIMHRIALL CÁNACH TOBHACH



CAITEACHAS POIBLÍ

¹daoine aonair nó einntis dhlíthiúla



Foinse: Seirbhís Talghda na Parlaiminta, Eurostat, An Coimisiún Eorpach



Caith súil ar an ngrafaic faisnéise chun tuilleadh eolais a fháil faoi chánachas ar fud AE.